

# ახალი სარსბსული

406 (14) 7 ოქტომბერი, 2019 წ.

## აღიწივით და სათავრობო ხელშეწყობის წარმომადგენელი მოსახლეობას სვამს

სამთავრობო გუნდის მოსახლეობასთან შეხვედრების პროცესი იმერეთის რეგიონში აქტიურ ფაზაშია. ამჯერად იმერეთის მხარეში სახელმწიფო რწმუნებულის მოადგილე ბესიკ გოფოძე, ბაღდათი-ხარაგაულის მაჟორიტარი დეპუტატი კობა ლურსმანაშვილი, მუნიციპალიტეტის მერი ნიკოლოზ თოფურაძე, საკრებულოს თავმჯდომარე მანანა ბარბაქაძე და ადგილობრივი ხელისუფლების სხვა წარმომადგენლები სამი დღის განმავლობაში ბაზალეთის, საბის, სარგვეშის, ღორეთის, უბისის, ჩხერის, მარელისის, ქვების, ვახანის, ლელვანის, სალანძღოს, ვანისა და სხვა სხვათა მოსახლეობას შეხვდნენ. აღნიშნული შეხვედრების მიზანია მოსახლეობის პრობლემების ადგილზე გაცნობა, რომელთა გათვალისწინება მაქსიმალურად მოხდება მომავალი წლის ბიუჯეტში.

ადგილზე რამდენიმე პრობლემური საკითხი გამოიკვეთა: ინფრასტრუქტურის მონესრიგება, წყლის პრობლემა, შემის მოპოვება და სოციალურად დაუცველის სტატუსის მინიჭების საკითხი.

ბესიკ გოფოძის განმარტებით, გზების მონესრიგება მთელს რეგიონში უწყვეტ რეჟიმში მიმდინარეობს და 2020



წლის ბიუჯეტის დაგეგმვის პროცესში მაქსიმალურად იქნება გათვალისწინებული სოფლებამდე მისასვლელი და ასევე, შიდა საუბნო გზების მონესრიგება. სოციალური დახმარების საკითხზე, ხელისუფლების წარმომადგენლებმა განმარტეს, რომ პრობლემაზე მუშაობს საქართვე-

ლოს პარლამენტი და მომავალში აღნიშნული სტატუსის მინიჭების სისტემაში სოფლის რწმუნებული და ადგილობრივი ხელისუფლება ჩაერთვებიან.

რაც შეეხება ხე-ტყის მოპოვებას, ადგილზე იმყოფებოდა სატყეო სამსახურის წარმომადგენელი გიორგი ნიკოლეიშვილი, რომელმაც მოსახლეობის მიერ დასმულ კითხვებს ამომწურავი პასუხები გასცა.

შეხვედრებზე განსაკუთრებული ყურადღება დაეთმო სახელმწიფო და მუნიციპალურ პროგრამებს ინფრასტრუქტურის, ჯანდაცვის, სოციალური დაცვისა და სოფლის მეურნეობის მიმართულებით.

განათლების სფეროში განხორციელებული ყველა მნიშვნელოვანი სიახლის შესახებ ისაუბრა განათლების, მეცნიერების, კულტურისა და სპორტის მინისტრის მოადგილემ, გიორგი ვაშაკიძემ. იგი სოფლის სკოლების საჭიროებით დაინტერესდა და პედაგოგების სახელფასო ზრდაზეც გაამახვილა ყურადღება.

შეგახსენებთ, რომ მსგავსი ტიპის შეხვედრები ხარაგაულის მუნიციპალიტეტის სხვა ადმინისტრაციულ ერთეულებშიც გაიმართება.

## ბიძინა ივანიშვილი იმერეთის ადგილობრივი საოლქო ორგანიზაციების ხელმძღვანელებს შეხვდა



პოლიტიკური გაერთიანება „ქართული ოცნება - დემოკრატიული საქართველოს“ თავმჯდომარე ბიძინა ივანიშვილი იმერეთის ადგილობრივი საოლქო ორგანიზაციების ხელმძღვანელებსა და წარმომადგენლებს შეხვდა. სამუშაო შეხვედრაზე რეგიონში არსებულ გამოწვევებსა და სამომავლო გეგმებზე ისაუბრეს.

შეხვედრას პარლამენტის ფრაქცია „ქართული ოცნება - დემოკრატიული საქართველოს“ თავმჯდომარე მამუკა მდინარაძე, პარლამენტის წევრები, რეგიონულ საკითხებში პრემიერ-მინისტრის მრჩეველი სოზარ სუბარი, იმერეთის სახელმწიფო რწმუნებული ზვიად შალამბერიძე, რეგიონის მუნიციპალიტეტების მერები, საკრებულოს თავმჯდომარეები და

პარტიის აქტივისტები ესწრებოდნენ. მათ შორის იყვნენ ბაღდათი-ხარაგაულის მაჟორიტარი დეპუტატი კობა ლურსმანაშვილი, მუნიციპალიტეტის მერი ნიკოლოზ თოფურაძე და საკრებულოს თავმჯდომარე მანანა ბარბაქაძე.

შეხვედრები პარტიის რეგიონული ორგანიზაციების წარმომადგენლებთან მომავალშიც გაგრძელდება.

## გედსამანიაში სასკოლო მზაობის ჯგუფი გაიხსნა

ხარაგაულის მუნიციპალიტეტის სოფელ გედსამანიაში სასკოლო მზაობის ჯგუფი გაიხსნა. გახსნის ცერემონიაში ხარაგაულის მუნიციპალიტეტის მერის მოადგილე თემურ ჩხეიძე, საკრებულოს თავმჯდომარე მანანა ბარბაქაძე და ბაღდათის გაერთიანების დირექტორი მამუკა ჭიპაშვილი ესწრებოდნენ.

გედსამანიაში საბავშვო ბაღი არასდროს ყოფილა. სოფელში მზარდი კონტინგენტის გამო გაჩნდა მოთხოვნა, ალტერნატიული საბავშვო ბაღი გახსნილიყო. სასკოლო მზაობის ჯგუფს საჯარო სკოლის შენობაში



ერთი ოთახი დაეთმო და ადგილობრივი დასაქმდა.

აღსანიშნავია, რომ ეთერ კიკნაძის სახელობის სკოლამდელ დაწესებულებათა გაერთიანების მიერ მოხდა ოთახის გარემონტება და საჭირო ინვენტარის შეტანა. ჯგუფში 12 აღსაზრდელი ჩაირიცხა და ისინი სასკოლო მზაობის საგანმანათლებლო სახელმწიფო სტანდარტების შესაბამის პროგრამას შეისწავლიან.

სოფლის მაჟორიტარმა დეპუტატმა ლენა აბაშიძემ აღსაზრდელს, მშობლებსა და

პედაგოგებს სკოლამდელი მზაობის ჯგუფის გახსნა მიულოცა და დაჰპირდა, რომ სამომავლოდ, თუკი ბავშვთა კონტინგენტი იქნება, გედსამანიაში ბაღი აუცილებლად აშენდება. მისივე თქმით, სკოლამდელი მზაობის ჯგუფის გახსნა ხელს შეუწყობს აქ ახალგაზრდა ოჯახების დამაგრებასა და სოფლის გაძლიერებას.

ბაღების გაერთიანების დირექტორის, მამუკა ჭიპაშვილის, ინფორმაციით, ამ ეტაპზე მუნიციპალიტეტში სასკოლო მზაობის სამი ჯგუფი ფუნქციონირებს.

## სარგვეშში „მასწავლებლის საერთაშორისო დღე“ აღინიშნა



სარგვეშის მუნიციპალიტეტის მერიის, საგანმანათლებლო რესურსცენტრისა და სპმთპ-ის ხარაგაულის რაიონული ორგანიზაციის ინიციატივით, „მასწავლებლის საერთაშორისო დღე“ აღინიშნა. ღონისძიებაზე ადგილობრივი ხელისუფლებისა და საგანმანათლებლო რესურსცენტრის წარმომადგენლებმა მუნიციპალიტეტის სკოლებიდან თითო წარმომადგენელი პედაგოგი სიგელ-ბითა და ფასიანი საჩუქრებით დააჯილდოეს. ბაღდათი-ხარაგაულის მაჟორიტარი დეპუტატის, კობა ლურსმანაშვილის, ბიუროს (ხელმძღვანელი, ჟანა ნემსაძე) სახელით ასევე ფასიანი საჩუქარი გადაეცა ვერტყვიჭალის საჯარო სკოლის მათემატიკის წარმომადგენელ პედაგოგს, ქალბატონ ალექსანდრა ჭიპაშვილს.

საღამო გალამაზეს შოთა ბუაჩიძის სახელობის სამუსიკო სკოლის აღსაზრდელმა, კულტურისა და ხელოვნების ცენტრთან არსებულმა ვაჟთა ვოკალურმა ჯგუფმა „ხარაგაულის ხმებმა“. სპეციალურად ამ დღისათვის შესრულდა მუსიკალური ნომრები.

ღონისძიების ფინანსური მხარდაჭერი, მერიის კულტურის სამსახურია.

პროფესიული დღე მონვეულ პედაგოგებს მიულოცეს: საგანმანათლებლო რესურსცენტრის უფროსმა მარინე ვეფხვაძემ, მერიის კულტურის სამსახურის უფროსმა ირინე ჩხეიძემ, საკრებულოს დეპუტატებმა: დავით კიკნაძემ, ვალერი ჭიპაშვილმა, სპმთპ-ის ხარაგაულის რაიონული ორგანიზაციის ხელმძღვანელმა ლალი ვაქერ-სებისკვერაძემ. შეხვედრაზე აღინიშნა, რომ მასწავლებლობა ერთ - ერთი ყველაზე რთული და საპატიო პროფესიაა.

მასწავლებელთა საერთაშორისო დღეს ყოველწლიურად მსოფლიოს 100-ზე მეტი ქვეყანა ზეიმობს.

საამაყოა, რომ ხარაგაულის პედაგოგიურ საზოგადოებას ჰყავს ორი მენტორი მასწავლებელი-ნინო გურუშიძე და ირმა ყრუაშვილი.

## სარგვეშში საბავშვო ბაღი გაიხსნა

ხარაგაულის მუნიციპალიტეტის სოფელ სარგვეშში რიგით მეთვრამეტე სკოლამდელი აღზრდის დაწესებულება გაიხსნა. ახალი საბავშვო ბაღი ხარაგაულის მერის მოადგილემ, თემურ ჩხეიძემ, ბაღების გაერთიანების დირექტორთან, მამუკა ჭიპაშვილთან და ადგილობრივი თვითმმართველობის წარმომადგენლებთან ერთად გახსნა.

სარგვეშში საბავშვო ბაღი არასდროს ყოფილა. სოფელში არსებული კონტინგენტიდან გამომდინარე, მოსახლეობამ არაერთხელ დააყენა ბაღის აუცილებლობის საკითხი. ორი წლის წინ ხარაგაულის მერის, ნიკოლოზ თოფურაძის, დაპირება სარგვეშის მცხოვრებლებთან შეხვედრის დროს, უკვე რეალობად იქცა.

პირველ ეტაპზე, ერთი წლის წინ, სოფელში სკოლამდელი მზაობის ჯგუფმა დაიწყო ფუნქციონირება, რომელშიც ძალიან დიდი წვლილი შეიტანა სოფლის მაჟორიტარმა დეპუტატმა და ხარაგაულის საკრებულოს თავმჯდომარის მოადგილე რუსუდან გიორგაძემ.

ახლა კი, ადგილობრივი ხელისუფლების მხარდაჭერითა სოფელს უკვე აქვს 15 აღსაზრდელზე გათვლილი საბავშვო ბაღი, სადაც ხუთი ადგილობრივი დასაქმდა.





### მერის სარეზერვო ფონდიდან მხატვრიშვილებს სახლს შეუბენენ

სოფელ ვახანში, მხატვრიშვილების მრავალშვილიან ოჯახს, რომელსაც ხანძრის შედეგად სახლი დაენვა, ხარაგაულის მუნიციპალიტეტის მერი ნიკოლოზ თოფურიძე ესტუმრა.

მერის ინფორმაციით, სარეზერვო ფონდიდან დაზარალებული ოჯახისათვის ახალ სახლს შეიძენენ. ამ ეტაპზე მიმდინარეობს ალტერნატიული ფართის მოძიების პროცესი, რომელშიც ოჯახის წევრები უშუალოდ არიან ჩართული.

დაზარალებულებს ხარაგაულის მერიის მიერ ორგანიზებული სოციალური აქციის ფარგლებში შეგროვებული ნივთებიც გადაეცათ.

აღსანიშნავია, რომ საქველმოქმედო აქციაში უპრეცედენტო მხარდაჭერა გამოხატა ხარაგაულის მოსახლეობამ, მუნიციპალიტეტის საკრებულოს თავმჯდომარემ, მანანა ბარბაქაძემ. გარდა ამისა, საზოგადოებრივი ჯანდაცვის ცენტრმა ოჯახს ფინანსური დახმარება გაუწია.

## აკადემიკოს გიორგი გაგოშიძესთან შეხვედრა მოეწყო



სარგებლობისა და ადამიანთა ჯანმრთელობისათვის ტყის დიდი მნიშვნელობის შესახებ, დეტალურად შეეხო მცენარეთა დაცვისა და ეკოლოგიური საფრთხეების პრობლემებს.

გიორგი გაგოშიძემ შეხვედრაზე გაგვაცნო პირადი ინიციატივა, რომლის შესახებაც უკვე მიმართა ხარაგაულის მუნიციპალიტეტის მერს, ნიკოლოზ თოფურიძეს, რომ მერიის დახმარებით შეიქმნას საკონსულტაციო საბჭო, რომლის ფარგლებშიც სრულიად უსასყიდლოდ, სამ თვეში ერთხელ ეწვევა ხარაგაულში სოფლის მეურნეობით დაინტერესებულ პირებს და, ამ სფეროს შემდგომი განვითარებისათვის, კონსულტაციებს გამართავს მათთან.

აკადემიკოსი გიორგი გაგოშიძე ძალიან გაახარა იმ ფაქტმა, რომ მასპინძელთა შორის მრავალად იყვნენ მისი აღზრდილები, ახლანდელი სტუდენტები, მისი ოჯახის ახლო ნათესავები.

ღალი ხარაზიშვილი - პედაგოგი, ახლო ნათესავი: - მეამაყება, რომ ისეთი სწავლული პიროვნება, როგორც გიორგი გაგოშიძეა, ჩვენი ოჯახის (დედამთილის მხრიდან) ახლობელია. ჩემი შვილები და შვილიშვილები კარგა ხანია, ურთიერთობენ მასთან, მე კი დღეს მომეცა საშუალება, მას და მისი ოჯახის წევრებს პირადად შეხვედროდი. მისმა საუბარმა კიდევ უფრო გამძლიერა ინ-

ტერესი სოფლის მეურნეობის საკითხებში საფუძვლიანი წვდომისა. მაღლობა მას და მასთან შეხვედრის ორგანიზატორებს.

საშუალო ხიჯაკაძე - აკადემიკოს გიორგი გაგოშიძის სტუდენტი: -ძალიან დიდი ბედნიერებაა, როცა ისეთი გულისხმიერი ლექტორის ლექციებს ისმენ, როგორც გიორგი გაგოშიძეა. მისგან მარტოდენ სოფლის მეურნეობის საკითხებს როდი ეუფლება სტუდენტი; მასთან ურთიერთობით გიძლიერდება მოტივაცია სწავლისადმი და ცდილობ, ხვალ კიდევ უფრო უკეთესი გახდეს, ვიდრე ხარ დღეს...

მეათე კლასის მოსწავლე ნინო შალამბერიძე დაინტერესდა, თუ როგორ მიაღწია ბატონმა გიორგიმ ესოდენ დიდ წარმატებას მეცნიერებაში, როგორ მოიგონებდა იგი თავისი მოსწავლეობის პერიოდს, რომლებზეც მან ძალზე საყურადღებო რჩევა-დარიგებები მიიღო აკადემიკოსისაგან.

შეხვედრის დასასრულს, გიორგი გაგოშიძეს მაღლობა გადაუხადა მობრძანებისათვის პროექტის ავტორმა, კულტურისა და ხელოვნების ცენტრის დირექტორმა ნიკოლოზ მაჭავარიანმა და მას სამახსოვრო საჩუქარი გადასცა ცენტრალური ბიბლიოთეკის სახელით.

მკბ შპაშიძე

### „მიყვარხარ, ადამიანო!“

მიმართვის ეს უმშვენიერესი ფორმა სავიზიტო ბარათია პროექტისა, რომლის ავტორებსაც იმ უკიდვარ სივრცეებისაკენ მიჰყავს მკითხველი, რომლის უმთავრესი აზრი სიყვარულის ზეიშობაა. სიყვარული კი, ეს მრავალნახანაგოვანი, მრავალგანზომილებიანი ცნება, ყოველივე ღირებულის, ყოველგვარი სიკეთის მასაზრდოებელი და შთამაგონებელია.

ულამაზესი ბუნებითა და მაღალი ინტელექტუალური პოტენციალით გამორჩეული ხარაგაული და ხარაგაულელები მასპინძლობდნენ 23 სექტემბერს ინოვაციების ცენტრის კოპნია დარბაზში პროექტის ავტორებს - პოეტებსა და პროზაიკოსებს: ჯუბა ლებელს, ბელა ალანას, მია ხოფერიას, თემურ ცერცვაძეს.

მსმენელთ სტუმრები წარუდგინა და აღნიშნული პროექტის მნიშვნელობას გაუსვა ხაზი კულტურისა და ხელოვნების ცენტრის დირექტორმა ნიკოლოზ მაჭავარიანმა.

სულ სხვა დატვირთვა აქვს და მსმენელს სხვაგვარი ემოცია აღეძვრის, როცა თვითონ ავტორი კითხულობს თავის ნაწარმოებს. ჩვენმა სტუმრებმა კი გულუხვად გვაზიარეს ამ სიამოვნებას. მათ ისეთი ემოციებით დაგვტვირთეს, რომ თითქმის სამ საათს ვიმყოფებოდით მხატვრული სიტყვის ტყვეობაში, მაგრამ დაღლა არავის უგრძნია, რადგან დარბაზში ნამდვილად ბრიალებდა ადამიანის სიყვარულის დიდი კოცონი...

ხარაგაულის რეზო თაბუკაშვილის სახელობის სახალხო ლიტერატურული თეატრის დირექტორმა იზა ვეფხვაძემ აღნიშნა: -განსაკუთრებულია ის ღრმა ინტერესი, რასაც ხარაგაულის წიგნიერი საზოგადოება იჩენს ქვეყნის პოეზიისა და პროზის მიმართ. მსმენელებით სავსე დარბაზიც დღეს ამის ნათელიყოფაა.

შემდეგ ქალბატონმა იზამ ჩვეული დეკლამაციური ოსტატობით შთამბეჭდავად წაიკითხა პროექტის ავტორთა თემატურად მეტად საინტერესო ლექსები.

აქვე გარკვეული სიამაყით დავსძენთ, რომ ხარაგაული ადამიანის სიყვარულით ანებიერებს სრულიად საქართველოს, როცა ქალბატონი იზა ვეფხვაძე ყოველ დღით ინტერნეტსივრცეში ყველას ესალმება ღვთიური სიტყვებით - მე თქვენ მიყვარხართ!

შეხვედრის დასასრულს, პროექტის ავტორებმა საკუთარი წიგნები საჩუქრად გადასცეს ცენტრალურ ბიბლიოთეკას.

კულტურისა და ხელოვნების ცენტრის დირექტორმა ნიკოლოზ მაჭავარიანმა შემოქმედებითი წინსვლა უსურვა სტუმრებს და ცენტრალური ბიბლიოთეკის სახელით სამახსოვრო საჩუქრები გადასცა.

პირადად მე, ამ წერილის ავტორი, ხარაგაულელ მკითხველთა სახელით გეფერებით და მაღლობას გიხდით თქვენ, მშვენიერი პროექტის ავტორებო!

მინდა, შეგახსენოთ ლექსის სტრიქონი ავბედით დრო-



ში „ხალხის მტრად“ შერაცხული პოეტის, პაოლო იაშვილისა, პოეტისა, რომელსაც საკუთარ სიცოცხლეზე მეტად უყვარდა ადამიანი, ქართული ლექსი და ქართული სიტყვა:

„გაგიყვება სჯობს, თუ გათავდა სიტყვის მადანი!..“

მნამს, თითოეული თქვენგანის ნიჭიერება და შემოქმედების ის კომპასი, რასაც სიყვარული ჰქვია, კვლავ აღმოგაჩენინებთ ქართული პოეტური სიტყვის ჯერაც მიუგნებელ საბადოს, რომლითაც კიდევ უფრო მცხუნვარე სხივებით გაათობთ მკითხველთა გულს და ყველას დაარწმუნებთ, რომ არაფერია ადამიანის სიყვარულზე უფრო ღიადი, უფრო კეთილშობილური გრძნობა...

უფალი გვარავდეთ!

მერი გიორგიძე

## სარგავულში ჯგუფური განათლების სფეროს განსწავლვა

ხარაგაულის კინოთეატრში საქართველო-უკრაინის სოციალურ ურთიერთობათა ინსტიტუტის არაფორმალური პროფესიული განათლების ცენტრის გახსნის შესახებ იმსჯელეს. შეხვედრას საგანმანათლებლო რესურსცენტრის უფროსი მარინე ვეფხვაძე, საკრებულოს განათლების კულტურის, სპორტისა და ახალგაზრდულ საქმეთა კომისიის თავმჯდომარე დავით კიკნაძე, მერის წარმომადგენლები, საჯარო სკოლის დირექტორები, მოსწავლეები და სხვა დაინტერესებული პირები ესწრებოდნენ.

ცენტრის დამფუძნებელმა გარი ჩაფიძემ, ვრცლად ისაუბრა პროფესიული განათლების ცენტრების შესახებ და აუდიტორიის მხრიდან დასმულ კითხვებსაც ამომწურავი პასუხები გასცა. მისივე განმარტებით, ის მზადაა, ხარაგაულში პროფესიული განათლების ცენტრმა დაიწყოს ფუნქციონირება და ხელი შეუწყოს მომავალი თაობის პიროვნულ და პროფესიულ განვითარებას, ასევე მათ დასაქმებას.

„ჩვენს სასწავლო ცენტრებში სტუდენტთა სოლიდური ნაკადი გვყავს, სადაც შესაძლებელია თანხების ეტაპობრივად გადახდა. ასევე 30-50-70 და 100-პროცენტის განაკვეთები; უფრო მეტიც, პირველი კურსის წარჩინებით



დახურვის შემთხვევაში, სტუდენტი არა მარტო გათავისუფლდება გადასახადისგან, არამედ სასწავლო სტიპენდიასაც მიიღებს. საყურადღებოა, რომ შეღავათებით სარგებლობენ ლტოლვილები, საქართველოს ერთიანობისთვის მებრძოლი ოჯახის წევრები და მრავალშვილიანები.

ჩვენ მოვახერხებთ იმასაც, რომ ადგილობრივ ხელისუფლებასთან შეთანხმებით, მუნიციპალიტეტში მცხოვრები რამდენიმე უკიდურესად გაჭირვებული ოჯახის შვილი უფასოდ მივიღოთ“ - აღნიშნა გარი ჩაფიძემ.

სასწავლებელში, გასაუბრების საფუძველზე, IX და XII კლასდამთავრებულები, ასევე X, XI, XII კლასების მოსწავლეები მიიღებინ. დაინტერესებულ პირებს შეეძლება, დაუფლონ შემდეგ სპეციალობებს: კომპიუტერული ტექნოლოგიები; კომპიუტერული ინჟინერია; დაცვა-პატრულირება; გარემოს დაცვა; კრიმინალისტი; ბანკის ოპერატორი; ფარმაცევტის თანამშრომელი; კბილის ტექნიკოსი; სამკურნალო მცენარეების დამამზადებელი; ხილ-ბოსტნეულის პირველადი გადამამუშავებელი; ვეტერინარი; ბაგა-ბაღის აღმზრდელი; კორესპონდენტი; გიდი, ტურიზმი.

აღსანიშნავია, რომ სკოლის მოსწავლეებს სწავლა სკოლის პარალელურად შეეძლება.

სწავლა სამწლიანია და გადასახადი წელიწადში 700 ლარია.

სასწავლო პროგრამის გავლის შემდეგ გაიცემა სამედიცინო (ქართულ-უკრაინულ-ინგლისური) დიპლომი.

დამატებითი ინფორმაციისთვის დარეკეთ: 595 51 98 12

მკბ შპაშიძე

### მოქანდაკის ნიჭით გასოცნეული პიკატი ისტორია



ასპინძის ბრძოლის მემორიალი

ვის ბრძოლის ისტორიის ერთ-ერთი თვალსაჩინო ეპიზოდია 1770 წლის 20 აპრილის ასპინძის ბრძოლა.

ისტორიის კურსიდან ვიცით, რომ რუსეთ - ოსმალეთის 1768 - 1774 წლების ომის დროს, საქართველოში შემოსულ რუსთა საექსპედიციო რაზმს, რომელსაც ამიერკავკასიის ფრონტზე ოსმალთა ძალების ნაწილი უნდა მიეზიდა, ერეკლე მეორემ შესთავაზა რუს-ქართველთა ერთობლივი ძალით ახალციხეზე გალაშქრება. პატრიოტი მეფის უმთავრესი მიზანი იყო ოსმალთა ბატონობისაგან მესხეთის გათავისუფლება. გვაგონდება გენერალ ტოტლებენის ლაღატი, მისი მოულოდნელი უკან გაბრუნება, შემდეგ კი სახიფათო სიტუაციებთან, ერეკლე მეფის დიდი სტრატეგიული ნიჭის წყალობით, გონივრული საომარი გეგმის დაპირისპირება და ის დიდი გამარჯვება, რომელიც ოქროს ასობით აღიბეჭდა ჩვენს ისტორიაში.

და აი, XXI საუკუნის მეორე ათწლეულში ასპინძის მუნიციპალიტეტის თვითმმართველობიდან წამოვიდა ინიციატივა ასპინძის ბრძოლის მემორიალის შექმნისა. საინტერესოა ასპინძის მუნიციპალიტეტის იმჟამინდელი გამგებლის, ლევან ცაბაძის, სიტყვები: „ეს ბრძოლა იყო უმნიშვნელოვანესი საქართველოს ისტორიაში, რომელმაც ჩვენი ბედის ჩარხი წაღმა დაატრიალა. ვინაიდან ასპინძაში მოხდა ეს ყველაფერი, გადაწყვიტეთ, მემორიალი სწორედ აქ აღგვემართა.“

და ეს მეტად საპასუხისმგებლო მისია ნიჭიერ მხატვარ - მოქანდაკე დავით ტაბატაძეს მიანდეს.

რასაკვირველია, დიდი პატივი იყო ჩემთვის ასპინძის ხელოსნულად არჩევა. სამუშაო იყო ძალზე რთული, მოითხოვდა ენერჯის მოზაიკებას, ამ მნიშვნელოვან ისტორიულ ფაქტთან დაკავშირებული ყოველი ნიუანსის გათვალისწინება...

და იმატა უძილო ღამეებმა, ფიქრმა იმის შესახებ, თუ როგორ მიიღებდნენ სრულყოფილ ნამუშევარს, როგორ მოინახებდნენ მას.

უფლის შემწეობით, ადგილობრივი ხელოსნულთა და მოსახლეობის დიდი თანადგომით შევძელი, რომ დათქმულ ვადაში - 2017 წლის 5 აგვისტოს, მესხური ფოლკლორის ფესტივალზე - გახსნილიყო მემორიალი „ასპინძის ბრძოლა“ - განაცხადა ჩვენთან საუბრისას პროფესორმა დავით ტაბატაძემ.

„ყური დაუგდეთ, ასპინძის ადგილის დედა ჩურჩულს, თუ როგორ გაუუმასპინძლით, როგორ გავრეკეთ ურჯულ...“

ქართველი ხალხის თავისუფლებისათვის

„მხოლოდ წარსულის ცოდნით დაუცავს ყოველ ერს თავისი ეროვნება, თავისი არსებობა, თავისი ვინაობა.“ - ბრძანებდა ერის დიდი მამა ილია ჭავჭავაძე.

1988 წელს ხარაგაულში, კულტურისა და დასვენების პარკის შესასვლელში, ჩვენი მიზნის მკვიდრი ცნობილი მოქანდაკის, კიმი ტაბატაძის, შინამეურნეულთა მემორიალი გაიხსნა. მასხოვს, როგორც იყო ის განცდა თითოეული ხარაგაულელისა, როცა მემორიალს საბურველი შემოაცალეს და ჩვენ წინ აღიმართა დიდებული ოსტატის ღვთიური ნიჭით შესრულებული იშვიათი ძეგლი ჩვენი ტკივილიანი ახლო წარსულისა და იმ მომენტიდან ეს ადგილი იქცა დიდი პატრიოტული დატვირთვის, სამშობლოსათვის მსხვერპლად შეწირულ სიცოცხლეთა ხსოვნის უკვდავყოფის ადგილად... მალე აფხაზეთის ძმობა-კვლევი ომის ქარიშხალმაც დაგვეტყუა და კიდევ უფრო გაიზარდა მათი როცხვი, რომელთა ხსოვნაც შეერწყა ამ მემორიალში ავტორი მოქანდაკის მარადიულ ჩანაფიქრს და, რომელიც სვედნიანად წარმოგვათქმევინებს უკვდავი შობის სიტყვებს:

„ჩვენ უფრო ვატყვივს, ვინ დაგვაკლდა სწორად თავისა.“

კარგი მშობელი რომ შვილის უპირველესი მეგობარი და კარგი შვილიც მამის ნათელ საქმეთა გამგებელი იქნება, ამას იცნობდა და მითხანებდა. სწორედ ასეა ან განსვენებული ცნობილი ხელოვანის კიმი ტაბატაძისა და მისი ღირსეული მემკვიდრის, მხატვარ-მოქანდაკე პროფესორ დავით ტაბატაძის შემთხვევაში. ამასთან დაკავშირებით ერთ პატარა ამბავს ვიამბობთ:

გასულ წელს, სამცხე-ჯავახეთში სტუმრობისას, ჩემმა ახლობელმა მასპინძელმა მითხრა: - მინდა, სიურპრიზი მოგიჩვენო და ძალიან ნასიამოვნები გაგიტყურო ხარაგაულში, ასპინძაში ერთი კარგი რამ უნდა გჩვენო. რასაკვირველია, დავეთანხმე...

ჩემი მასპინძლისაგან ეს სიურპრიზი აღმოჩნდა „ასპინძის ბრძოლის“ მემორიალი, რომლის ავტორია მხატვარი - მოქანდაკე დავით ტაბატაძე - კიმი ტაბატაძის ვაჟი.

ვუსურვებდი მოქანდაკის ნიჭით გაცოცხლებული ქართველი ხალხის გმირული ისტორიის ხელოვნების ენაზე ამეტყველებულ ამ საოცრებას და გაცოცხლებულ ერთად სირცხვილის გრძობასაც განვიცდიდი, რომ აქამდე არ ვიცოდი აღნიშნული მემორიალის შესახებ (მემორიალი 2017 წლის აგვისტოში

### სარგავლის მუნიციპალიტეტში 25 ტყეკაფი გამოიყო

რამდენიმე ხანია, საქართველოს გარემოსა და ბუნებრივი რესურსების დაცვის სამინისტროს სსიპ ეროვნული სატყეო სააგენტოს იმერეთის სატყეო სამსახურის ხარაგაულის სატყეო უბნის უფროსის მოვალეობას სოსო ფოფხაძე ასრულებს. სოსო ფოფხაძე 2007 - 2011 წლებში საქართველოს აგრარულ უნივერსიტეტში სატყეო სამეურნეო ფაკულტეტზე სწავლობდა. 2011 წელს, ხარაგაულის სატყეო უბნის ტყის მცველად მუშაობის პერიოდში, შეთავსებით დასაქმებული იყო ტყეთმონაწილად. 2016 წელს კი ამავე უბნის უფროსი გახლდათ. 2017 წლიდან 2019 წლის 19 აგვისტომდე იმერეთის სატყეო სამსახურის მეტყველის თანამდებობას იკავებდა.

მოგესხვებათ, დღესდღეობით ერთ-ერთ აქტიურად თემად საქართველოში ხეტყეუ ხელმწიფეობაა. მოქალაქეს უნებს გარკვეული პროცედურების გავლა, რათა მოიპოვოს როგორც სამასალე, ასევე საშუავე მერქანი. შედეგს თუ არა ხარაგაულის მოსახლეობა ზამთრისათვის შემის მომარაგებას და კონკრეტულად რომელ უბნებშია ტყეკაფები გამოყოფილი, ამ და სხვა მნიშვნელოვან საკითხებზე ხარაგაულის

სატყეო უბნის უფროსის მოვალეობის შემსრულებელი სოსო ფოფხაძე გვესაუბრება.

- მიმდინარე წელს ტყეკაფები მოლითის, ბორითის, ვარძიისა და რიკოთ-ხევის ტერიტორიაზე გამოყოფილი, რომლით სარგებლობაც უკვე შესაძლებელია. პიროვნება, საცხოვრებელი ადგილის შესაბამისად, უკავშირდება ხარაგაულის სატყეო უბნის თანამშრომელს, ტყის მცველს, რომელიც აძლევს ტყეკაფის კოდს. ამის შემდეგ ლიბერთი ბანკის ნებისმიერ ფილიალში, ამ კოდის მეშვეობით გადაიხდის საფასურს. ბანკში აღებული ქვითრის საფუძველზე მეტყევე გაუნერს ხე - ტყის წარმოშობის დოკუმენტს და ამის შემდეგაა შესაძლებელი საშუავე მერქნის გატანა.

რაც შეეხება ღირებულებას, იგი უცვლელია, ერთი კუბმეტრი რცხილისა და ნიფლის ღირებულება ექვსი ლარია, ხოლო მურყანის ფასი ხუთ ლარს შეადგენს. აღსანიშნავია, რომ მაღალმთიან ზონაში მცხოვრებ ოჯახს შეუძლია, ისარგებლოს 15 კუბმეტრი საშუავე მერქნით, სხვა ზონებზე კი 7-ით.

- რა პროცედურებია საჭირო სამასალე ხე-ტყის მოპოვებისათვის?

- მოქმედი კანონმდებლობით, სამასალე

ხე-ტყის შექმნა შესაძლებელია აუქციონის წესით. ნიფლის პირველი ხარისხის სამასალე ხე-ტყის მარაგი გვაქვს და აუქციონზე პირველი ლოტი მალე გავა. ტყიდან ჩამოსატანია 1000 კუბმეტრამდე, რომელიც უნდა განაწილდეს პატარ-პატარა ლოტებად, რათა ხელმისაწვდომი იყოს მოსახლეობისათვის.

- სატყეო სფეროში არსებული პრობლემების გადაჭრის მიზნით, როგორც ცნობილია, 2020 წლიდან რიგი სახლებზე იგეგმება. რას გვეტყით ამის შესახებ?

- 2020 წლიდან ნებისმიერ მოქალაქეს სატყეო მოამარაგებს. საშუავე და სამასალე მერქანს ჩვენ დავამზადებთ და მოსახლეობას შეძენა უფრო ნაკლებ ფასად შეეძლება. ასევე შესაძლებელი იქნება სახლში მიტანის სერვისით ისარგებლონ. უნდა აღინიშნოს ისიც, რომ მოქმედი კანონმდებლობით დადგენილი ნესის შესაბამისად, შესაძლებელი იქნება საშუავე მერქნის მოპოვება. ამ ეტაპზე ხარაგაულის სატყეო უბანზე რვა მეტყევეა, რომლებიც მზად არიან მოსახლეობას ნებისმიერ პრობლემურ საკითხზე გვერდით დაუდგნენ. მათი საკონტაქტო ინფორმაცია:

მოლითი - მერაბ ტალახაძე - 595-600-434;  
 ბორითი - პაპუნა ჭიპაშვილი - 595-003-064;  
 ვარძია - კახაბერ ხიჯაკაძე - 599-898-847;  
 ხევი - გიორგი რიკაძე - 595-000-683;  
 ნუგზარ გელაშვილი - 595-000-696;  
 ნიფა - ერასტი ლამბაძე - 595-000-362;  
 საქასრია - ზვიად ლომიძე - 555-330-942;  
 ზვარე - მურმან ფერაძე - 593-475-940.

თამარ მაღრაძე

### საგანმანათლებლო რესურსცენტრისა და სკოლის თანამშრომლებს ხელფასები გაეზრდებოდა

საჯარო სკოლის პედაგოგებს, დირექტორებს, ადმინისტრაციას, ტექნიკურ პერსონალსა და საგანმანათლებლო რესურსცენტრების თანამშრომლებს ანაზღაურება გაეზრდება. ყველა პედაგოგს, რომელსაც აქვს სტატუსი და მინიმუმ 15 საგაკვეთილო საათი, ანაზღაურება გაეზრდება 150 ლარით;

უფროსი მასწავლებლები მიიღებენ - 1011 ლარს;

სამეცნიერო მასწავლებლები - 1435 ლარს; მენტორი მასწავლებლები - 1745 ლარს. (მეტი საგაკვეთილო საათის შემთხვევაში, კიდევ მეტს)

ხოლო პედაგოგებს, რომლებსაც 15 საგაკვეთილო საათზე ნაკლები ექნებათ, საშუალოდ 100 ლარით გაეზრდება ანაზღაურება.

საჯარო სკოლის დირექტორების, ადმინისტრაციის, ტექნიკური პერსონალის, მათ შორის,

სკოლის ექიმისა და ინკლუზიური განათლების მხარდამჭერი სპეციალისტების ხელფასს ანაზღაურება კი საშუალოდ 20%-ის ფარგლებში მოხდება.

გაზრდილ ანაზღაურებას მიიღებენ სამინისტროს ტერიტორიული ორგანოების საგანმანათლებლო რესურსცენტრების თანამშრომლები: რესურსცენტრის უფროსის ხელფასი 250 ლარით გაიზრდება და 1 450 ლარით განისაზღვრება.

ღერება. რაც შეეხება თანამშრომლებს: მეორე კატეგორიის უფროსი სპეციალისტის ხელფასი 200 ლარით მოიმატებს და 1000 ლარს გახდება. მესამე კატეგორიის უფროსი სპეციალისტის ხელფასი 150 ლარით გაიზრდება და 950 ლარი იქნება. 150 ლარით მოემატება ანაზღაურება პირველი კატეგორიის უმცროს სპეციალისტს და მისი თანამდებობრივი სარგო 850 ლარს გახდება.

### საჯარო სკოლაში „მასწავლებლის სემინარი“ დაიწყო

საუკეთესო მასწავლებელთა სიაში მოხვდნენ: მაცვალა სულიაური-დაბის N 2 საჯარო სკოლა; ნინო ბუაჩიძე - დაბის N3 საჯარო სკოლა; ლემა ბერაძე-წმინდა ანდრია პირველწოდებულის სახელობის სასულიერო გიმნაზია; მადონა ბარბაქაძე-ლორესის საჯარო სკოლა; ქეთინო ლურსმანაშვილი- ვაშლიკის საჯარო სკოლა; მანანა ჯიქურიძე - ვერტიკვიჭალის საჯარო სკოლა;

ხათუნა მალრაძე-ლეღვის საჯარო სკოლა; ნათია ტაბატაძე- წყალაფორეთის საჯარო სკოლა; ხათუნა ციციძე- სარგვემის საჯარო სკოლა; ლილი მანჯავიძე- ვახანის საჯარო სკოლა; უჩა კოჩიაძე- ვარძიის საჯარო სკოლა; ნაზიბოლა სებისკვერაძე - უბისის საჯარო სკოლა; ანა ტყეციძე-მარელების საჯარო სკოლა; ვეფხვია ლომიძე- ხუნევის საჯარო სკოლა; დოდო ხაჩიძე-ნადაბურის საჯარო სკოლა; ეთერ პაპავა -ხიდრის საჯარო სკოლა;

ნანა ლომიძე -მოლითის საჯარო სკოლა; ელისო არჯევანიძე- კიციხის საჯარო სკოლა; ეკატერინე ბარბაქაძე-ბორითის საჯარო სკოლა; უსუბი ხაჩიძე -ხევის საჯარო სკოლა; სოფიკო ჩიტაძე-ზვარის საჯარო სკოლა; ეთერ ლომსაძე- ლაშის საჯარო სკოლა; ფიქრია ტალახაძე-ბაზალეთის საჯარო სკოლა; გიგა ბერაძე- ბორის საჯარო სკოლა; ნინო ჩხეიძე- ნიფის საჯარო სკოლა; მაია მესხიშვილი- საღანძილის საჯარო სკოლა.

# იქნებ სწორედ მაშინ უთავაზონა უფალმა...

(ცეზარ ბუბულაშვილის მარადიულ ხსოვნას)



ჩვენ ცეზარ!  
 28 სექტემბერს უკანასკნელად „მოინახულე“ შენი კაცურკაცობისა და ნაღდი ქართველობის მარადიული ხატება - ხარაგაულის მაცხოვრის შობისა და თორმეტი მოციქულის სახელობის ტაძარი... ამ დღეს მადლიერმა საზოგადოებამ დაგილოცა გზა მარადისობისაკენ.

მკრეხელობაში წურეინ ჩამითვლის და, როცა ტაძარში შენს მდუმარე სახეს დაეყურებდი, „დიდოსტატის მარჯვენის“ ის ეპიზოდი მომაგონდა, როცა სვეტიცხოვლის კურთხევისას საკაცით შეიყვანეს ტაძარში კონსტანტინე არსაკიძე... მან თვალი მოავლო ტაძარს, ცრემლი დაიძრა მის თვალიდან, მაგრამ დაიოკა მდღევარება და ჩუმად ჩაიბუტბუტა:

„იქმენინ ნათელი!“

და მომეჩვენა, რომ სასწაულმა გაგახსნიე და დაუმეუბლე ბაგე და თითქოს ჩამესმა შენი ლულუნა ხმით წარმოთქმული: „იქმენინ ნათელი!“

ვაგლახ, ეს ხომ მხოლოდ აუხდენელ სურვილთან შერწყმული ემოციური წარმოსახვა იყო...  
 ვაგლახ, რომ შენს ყოფილ მასწავლებელსა და შენი კლასის დამრიგებელს უხდება ამჯერად უკვე შენს აჩრდილთან საუბარი...

\*\*\*

ინსტიტუტის დამთავრებისთანავე ვარძიის სკოლაში გამოვეცხადე პედაგოგის საგზურით და პირველი გაკვეთილი სწორედ იმ კლასში ჩავატარე, რომელშიც შენ სწავლობდი. რა დამავიწყებს

ცოდნის წყურვილით ანთებულ შენს სახეს, შენს ბრალა თვალებს... შემდეგ კი, როგორც კლასის ხელმძღვანელმა, შენი მშობლებიც ახლოს გავიცანი.

წელთა სრბოლამ ვერ ნაშალა ჩემს მეხსიერებაში ხსოვნა მშვენიერი ქალბატონის, ნათელა სირდაძე - ბუბულაშვილისა, რომლის დედობრივი ძალისხმევით მუდამ მოწესრიგებული, მოსწავლის ფორმით, გახამებული-დაუთოებელი თეთრი ქათქათა პერანგითა და ალისფერი ყელსახვევით ცხადდებოდი სკოლაში, ყოველი გაკვეთილისათვის მზადმყოფი.

ქალბატონი ნათელა დედობის ეტალონად დარჩა ჩემს მეხსიერებაში. სრული ჭეშმარიტებით ვაღიარებ, რომ პასუხისმგებლობისა და მოვალეობის გრძნობა, რაც ესოდენ ძლიერი იყო შენს პიროვნებაში, უპირველესად, ნუთისოფლიდან ადრე ნასული იმ სათნო ქალბატონის დამსახურებაა. სამწუხაროდ, მან ორმოცდარვა წლის ასაკში დატოვა სამზეო და სათაყვანო სამი შვილი...

ჩემო ცეზარ!  
 ბევრჯერ მითქვამს და ახლაც გავიმეორებ, რადგან სიმბოლური დატვირთვით აღვიქვამ ამ ფაქტს... მაშინ, გასული საუკუნის 60-იან წლებში, ბევრად დაშორებული ვიყავით ეკლესიასა და ქრისტიანულ რწმენას. დამრიგებლებს სპეციალური საკითხები გვექონდა ჩანკი-ნიკეულთა კლასის ხელმძღვანელის სამუშაო გეგმაში მოსწავლეთა ათვისებული აზრების მიზნით, შენ კი ვარძიის დედალეთისა და ეკლესიის ისტორია და მასთან დაკავშირებული თქმულებები აირჩიე მოსწავლეთა სასწავლო-შემოქმედებითი კონფერენციისათვის და გამარჯვებაც მოიპოვე. ვინ იცის, იქნებ სწორედ მაშინ გინანამდევრა და შთაგაგონა უფალმა, რომ შენი ორგანიზებით ხარაგაულელთათვის სულიერი სიმშვიდისა და უფალთან მიახლოების უზნინდესი კერა - მაცხოვრის შობისა და თორმეტი მოციქულის სახელობის ტაძარი - დაგეტოვებინა სამარადქამოდ...

\*\*\*

გავიდა წლები, დავაჯკაცდი, ერთობ საპასუხისმგებლო თანამდებობებზე მოვიხილა მუშაობამ. არასდროს ლაღატობდი შენი ცხოვრების უმთავრეს გზას - სიმართლესა და სამართლიანობას. უშიშრად და შეუპოვრად მიემართებოდი აღმართებიანი და ძნელდასავალი

სივრცეებისაკენ. ამას, ვინ უფრო სწორად განსჯიდა, არც შენთვის და არც სხვა ბევრისთვის არ იყო მნიშვნელოვანი, შენ სიმართლეს უფალი განსჯის და დრო შეაფასებს...

თანამოაზრე მეუღლესთან, ქალბატონ ნანა მირუაშვილთან, ერთად შექმენი გამორჩეული ოჯახი. სამ ვილს ერთმანეთის, შრომისა და მოყვარულს სიყვარულს ასწავლიდი. თქვენული აზრების შედეგს საფიცარი ქალიშვილის, ლელა ბუბულაშვილის, პიროვნებაში ვხედავთ. ლელასთან, როგორც ერთგულ თანამშრომელთან, გვაკავშირებდა მეტი სახელოვე. განა მარტო მამა? თქვენ მისი ერთგული მეგობარი, საიმედო მრეველი, მისი ფიქრებისა და სამომავლო გზების ორიენტორი იყავით...

თავს ეველებოდი შვილიშვილებს - ბარბარე და იოანე ბუბულაშვილებს, დემეტრე და ელენე ვეფხვაძეებს... გინდობა, მათთვის ფრთები გაგემარებინა, რომ შემდეგ იოლად გამკლავებოდნენ ცხოვრებაში შემხვედრ პრობლემებს, თუმცა ჯანმრთელობამ არ მოგცა თქვენი ენერჯის ბოლომდე გახარჯვის შესაძლებლობა...

შეგასა გრძნობდი, როცა ღვთის სახლი ფინანსების, სამშენებლო მასალისა და მუშახელის მეშვეობით ზეცისაკენ მაღლა-მაღლა მიინედა; გახარებდა ადგილობრივ ხელისუფალთა, წარმოება-დაწესებულებების მუშაკთა და მათ ხელმძღვანელთა აქტიური ჩართულობა; დარწმუნებული იყავი, რომ ხალხის ძალა შეუძლებელს შეძლებდა და ასეც მოხდა...

როგორ ოცნებობდი, რომ ტაძართან დაკავშირებული ყოველგვარი სამუშაო პირნათლად დაგესრულებინა, მაგრამ, ვაი, რომ ჯანმრთელობამ ამ ოცნების განხორციელებაშიც შეგემაღლა ხელი.

გნამდეს, ამიერიდან ყველა სათნოელი, რაც ხარაგაულის მაცხოვრის შობისა და თორმეტი მოციქულის ტაძარში დაინთება, იმ გზას გაანათებს და გააკაშკაშებს, რომელსაც მზიანეთიდან ადრე წასული კარგი ქართველი ვაჟკაცი - ცეზარ ბუბულაშვილი - ღირსეულად განვილილი გზა შქვია. მშობლიურ ვარძიაში კი შენს მარადიულ საგანს დედალეთისას ტაძრის სხივები გაათბობს მარადიულად.

გზა მშვიდობისა მართალთა შორის განსასვენებლად და უკვდავებაში დასაბინადრებლად!

ამინ!  
 გაზეთ „ახალი ხარაგაულის“  
 სარედაქციო კოლეგიის სახელით -  
 შერი გიორგიძე

## სარგავული საზოგადოებრივი დაწესებულება ლიწოთ ფუნქციონირება

ხარაგაულის მერის, ნიკოლოზ თოფურაძის, დაპირება საბალეტო სტუდიის გახსნასთან დაკავშირებით, რეალობად იქცა.

ხარაგაულის ისტორიაში პირველად მუნიციპალიტეტში მცხოვრები ბავშვები და მოზარდები პლასტიკურ ხელოვნებას დაეუფლებიან.

საბალეტო სტუდიაში მეცადინეობები კვირაში 3-ჯერ სამ ასაკობრივ ჯგუფში ჩატარდება. ჯგუფები ასე გადანაწილდება: 4-დან 6 წლამდე, 7-დან 12 წლამდე და 12 წლიდან ზემოთ

ნებისმიერ მსურველთათვის.

საბალეტო ხელოვნებისა და ასევე, სამეჯლისო ცეკვების გაკვეთილებს ხარაგაულის კულტურის ცენტრთან არსებულ საბალეტო სტუდიაში, თბილისიდან სპეციალურად მოწვეული პედაგოგ-ქორეოგრაფი, ინგა თოფლიშვილი ჩაატარებს.

მსურველებს შეგიძლიათ, დაუკავშირდეთ კულტურისა და ხელოვნების ცენტრს.  
 ტელ: 577 60 -74 -64;



## გოლათუბანში გზის რეაბილიტაცია იწყება

მაღალმთიან სოფელ გოლათუბანში, სხვერისა და სადგურის უბნებში, გზების რეაბილიტაცია განხორციელდება. გამოვლინდა ტენდერში გამარჯვებული კომპანია (შპს „საპოვნელა“), რომელიც აღნიშნულ სამუშაოებს შესრულებს. საერთო ჯამში ბეტონის საფარი 1 700 მეტრზე მოეწყობა. პროექტი მთის განვითარების ფონდიდან 245 100 ლარით დაფინანსდა.

გოლათუბანში ამ მონაკვეთზე ბეტონის საფარი არასდროს ყოფილა, რაც ადგილობრივებს გადაადგილების პრობლემას უქმნიდა.

აღსანიშნავია, რომ ხარაგაულის მუნიციპალიტეტში საგზაო ინფრასტრუქტურის მოწესრიგება აქტიურ ფაზაშია და მიმდინარე წელს ამ მიმართულებით ხუთ მილიონ ლარზე მეტი დაიხარჯება.

## სარგავულში, ელინაკა ძირულაზე, გაიხსნა ახალი ენოცია

ბორთის ადმინისტრაციულ ერთეულში, მდინარე ძირულაზე, სტიქიის პრევენციის მიზნით, გაიხსნა ენოცია.

სოფელ ციხისძირისა და ცენტრალური საავტომობილო მაგისტრალის დამაკავშირებელი სამაქანო ხიდის მიმდებარედ, ადგილობრივი მდინარე ხშირად ქმნიდა პრობლემებს და საფრთხეს უქმნიდა, როგორც ავტომობილების, ასევე მოქალაქეების გადაადგილებას. საყრდენი კედლის მოწყობის სამუშაოებს შპს „მათე“ ასრულებს.

პროექტი რეგიონული განვითარების ფონდიდან 88 398 ლარით დაფინანსდა.

გარდა აღნიშნულისა, ხარაგაულში სტიქიის პრევენციის მიზნით კიდევ ექვს ლოკაციაზე განხორციელდება საყრდენი კედლების მოწყობა.

## ვეროვის სპორტის კვირეულს ხარაგაულის მუნიციპალიტეტი

ხარაგაულში ევროპის სპორტული კვირეულის ფარგლებში მართონი ჩატარდა. გარბენი ე.წ. „დევების“ მიმდებარე ტერიტორიიდან სპორტულ დარბაზამდე გაიმართა. პირველი ადგილი მარელების საჯარო სკოლის მოსწავლე ლუკა ცხვედაძემ დაიკავა, მეორე ადგილზე მარელების მცხოვრები გიორგი მეგრელიშვილი გავიდა, ხოლო მესამე ადგილი ლევანის საჯარო სკოლის მოსწავლე, გივი მაზიაშვილმა აიღო.

გამარჯვებულები ნამახალისებელი სიგელებითა და ფასიანი საჩუქრებით დაჯილდოვდნენ.

ევროპის სპორტული კვირეულის ორგანიზატორი და მხარდამჭერი ხარაგაულის მერიის კულტურის სამსახური და ა(ა)იპ „სპორტისა და შიდა ტურიზმის ცენტრი.“

კვირეულის ფარგლებში ხარაგაულში ასევე ჩატარდა სხვადასხვა სპორტული ღონისძიება.

შეგახსენებთ, რომ ევროპის სპორტის კვირეული, ევროკომისიის ორგანიზებით, 2015 წლიდან ყოველწლიურად



ტარდება და ხელს უწყობს სპორტული და ფიზიკური აქტივობის პოპულარიზაციას ევროპის მასშტაბით.  
 იპა შავიძე

## საბავშვო ბაღის აღმშენებელი სერტიფიცირებას გაივლიან

საბავშვო ბაღების აღმშენებელი სერტიფიცირებას გაივლიან. პროცესი საგანმანათლებლო დაწესებულებებში 2020 წლის მაისიდან დაიწყება. რეფორმას განათლების სამინისტრო განხორციელებს.

ამ ეტაპზე საბავშვო ბაღებში საგანმანათლებლო პროცესი განათლების სამინისტროსა და იუნესკოს მიერ შემუშავებული ალბრდის მეთოდით ხორციელდება, რაც ფიზიკურთან ერთად სასკოლოდ მოზარდების ინტელექტუალურ მომზადებასაც ითვალისწინებს.

2024 წლამდე აღმშენებლებმა უნდა მიიღონ აღმშენებელ-პედაგოგის სტატუსი. აღმშენებელს შეუძლია, ჰქონდეს ბაკა-

ლავრის ხარისხი ნებისმიერი სპეციალობით, 4 წლის მუშაობის სტაჟი სკოლამდელი აღზრდის დაწესებულებაში, ასევე – პროფესიული სასწავლებლის სერტიფიკატი.

აღმშენებელ-პედაგოგის სტატუსს მიიღებენ იმ შემთხვევაში, თუ განათლებისა და მეცნიერების სამინისტროს შემუშავებულ ტრენინგ-მოდულს გაივლიან და მიიღებენ სერტიფიკატს. 2024 წლის პირველი სექტემბრიდან მუშაობას ისინი გააგრძელებენ, ვისაც აღმშენებელ-პედაგოგის სტატუსი ექნება. ხოლო ვისაც 2024 წლის შემდეგ მოისურვებს ბალმი მუშაობას, უნდა ჰქონდეს შესაბამისი განათლება.

იპა შავიძე

## 2020 წლიდან პენსიები იზრდება

2020 წლის პირველი იანვრიდან ასაკობრივი პენსია 220 ლარი გახდება, ხოლო პირველი ივლისიდან 70 წელს ზევით პენსიონერები 250 ლარს მიიღებენ. მომავალი წლის ბიუჯეტში ასევე გათვალისწინებულია 18 წლამდე ასაკისა და პირველი და მეორე ჯგუფის შეზღუდული შესაძლებლობის მქონე პირებისთვის პენსიის ზრდა.

როგორც საქართველოს პრემიერ-მინისტრმა გიორგი გახარიამ განაცხადა, ხელფასების ზრდა ასევე იგეგმება მასწავლებლებისთვის, საბავშვო ბაღების აღმშენებლებისთვის, სამართალდამცავებისათვის, ჯარისკაცებისთვის, ექიმებისთვის და ა.შ.

ასრულ განაკვეთზე შოფო მასწავლებლების ანაზღაურება იზრდება როგორც მიმდინარე, ისე მომავალი სასწავლო წლის განმავლობაში, რაც ნიშნავს, რომ 2020 წლის სასწავლო

წლისთვის მასწავლებლების ხელფასი გაიზრდება 300 ლარით. ასევე გაიზრდება საბავშვო ბაღების მასწავლებლების ხელფასები და სოფლის ექიმების - საშუალოდ 100 ლარით. გარდა ამისა, გაგრძელდება ხელფასების მატება სამართალდამცავების, ჯარისკაცებისა და მათთან გათანაბრებული პირებისათვის და, სახელმწიფო თავისი ვალდებულებების ფარგლებში, ამ ჯგუფს ხელფასს გაუზრდის

მინიმუმ 125 ლარით. საზგასამთ ადვინმწავ იმ სოციალურ ჯგუფებს, რომლებზეც დგას ჩვენი ქვეყნის განვითარება და მომავალი, ეს გახლავთ ბავშვები, პენსიონერები, მასწავლებლები, სამართალდამცავები და ჯარისკაცები და, რა თქმა უნდა, ექიმები.“ - განმარტა გიორგი გახარიამ.

იპა შავიძე